



**COMUNE de ROMANA**

**Provìntzia de Tàtari**

*Carrera Roma, 50 – Romana – Tel. 079/925013 – Fax 079/925241*

*Situ: [www.comune.romana.ss.it](http://www.comune.romana.ss.it) - E Mail [servizisociali@comune.romana.ss.it](mailto:servizisociali@comune.romana.ss.it)*

**Servìtziu Sòtziu – Culturale**

**AVISU PÙBLICU**

**BANDU PÙBLICU**

**PRO S'EROGATZIONE DE SU BONU SOTZIALE ÌDRICU INTEGRATIVU PRO S'ANNU 2020 IN S'ÀMBITU TERRITORIALE REGIONALE GESTIDU DAE ABBANOIA SPA**

**SU RESPONSÀBILE DE SU SERVÌTZIU**

In atuatzione:

- de sa Deliberatzione de su Comitadu Istitutzionale de Àmbitu n. 35 de su 12/11/2020 cun sa cale sunt istadas aprovadas sas modalidades operativas de aplicatzione de su regulamentu pro s'atribuzione de su bonu sotziale idricu pro sos utentes de su servìtziu idricu integradu;
- De sa Determinatzione de su Responsàbile de s'Àrea Sòtziu – Culturale De su 23.11.2020 cun sa cale s'est protzedidu a s'aprovazione de su bandu pro s'individuatzione de sos beneficiàrios;

**- EMÌTIT -**

Su bandu sighente pro sa presentazione de sas dimandas de ammissione a su

***Bonu Sotziale Ìdricu Integrativu pro s'annu 2020***

**ART. 1**

**FINALIDADES**

S'Ente de Governu de s'àmbitu de sa Sardigna cun Deliberatzione de su Comitadu Istitutzionale de Àmbitu n. 35 de su 12/11/2020 at aprovadu sas modalidades operativas de aplicatzione de su regulamentu pro s'atuatzione de su Bonu Sotziale idricu integrativu pro s'annu 2020 e istabilende in particulare:

- de approvare sas modalidades operativas de aplicatzione de su regulamentu pro s'atuatzione de giuamentos tarifàrios.

**ART. 2**

**DESTINATÀRIOS E RECHISIDOS**

Sunt destinatàrios de su Bonu Sotziale idricu integrativu sos nùcleos familiares titulares de utèntzias deretas o residentes in un'utèntzia indereta chi appartenent a sa tipologia "Impreu Domèsticu Residente" in possessu, de sos rechisidos sighentes

- residèntzia anagràfica in su Comune de Romana e in s'allògiu chi at su cuntratu de frunidura idrica;
- èssere in possessu de cuntratu de frunidura de abba, deretu o cundominiale relativu a sa domo de residèntzia de su nùcleu;
- tzitadinàntzia italiana o de unu Istadu aderente a s'Unione Europea. Su tzitadinu de unu Istadu no aderente a s'Unione Europea est ammitidu si in possessu de permìssu de firmada regulare o carta de firmada;
- àere una tzertificatzione ISEE currente (indicadore de sa situatzione econòmica echivalente) in cursu de balididade de su nùcleu familiare non superiore a € 20.000,00;

Totu sos rechisidos rechestos divent èssere possedidos a sa data de publicatzione de su Bandu.

### **ART. 3**

#### **ENTIDADE DE SU BONU SOTZIALE ÌDRICU INTEGRATIVU**

S'importu de su BONU Integrativu chi tocat a ogni beneficiariu est paris a:

- a. 25,00 èuros pro ogni componente de su nùcleu familiare in presèntzia de unu indicadore ISEE suta a su limite de 9.000,00 èuros;
- b. 20,00 èuros pro ogni componente de su nùcleu familiare in presèntzia de unu indicadore ISEE dae 9.000,00 èuros finas a su limite de 20.000,00 èuros.

### **ART. 4**

#### **MODALIDADE DE PRESENTAZIONE DE SAS DIMANDAS**

Sos interessados a s'assegnatzione de su Bonu Sotziale idricu integrativu devent presentare dimanda a su Comune de Romana intro e non prus a dae de sas oras 12,30 de su 30 de nadale de su 2020.

A sa dimanda, fata segundu s'ischema predispostu dae E.G.A.S., su richiedente devet allegare sa documentatzione sighbente:

- tzertificatzione I.S.E.E. ORDINÀRIU in cursu de balididade;
- còpia fotostatica de su documentu de identidade in cursu de balididade e de su còdighe fiscale de su richiedente;
- una bulleta e/o fattura a sa cale si riferit s'utèntzia.

Sas dimandas perbènnidas a dae de s'iscadèntzia ant a èssere esclùdidas.

Sa dimanda at a dèvere èssere presentada pro mèdiu de apòsitu modellu Allegadu A, si podet iscarrigare dae su situ web de s'Ente <http://www.comune.romana.ss.it>, paris a iscansione de su documentu de identidade de su richiedente, e at a dèvere perbènnere a s'Ufìtziu Protocolu de custu Ente, segundu una de sas modalidades sighbentes:

- pro mèdiu de sa protzedura on line disponibile in su situ dedicadu [www.bonusacqua.it](http://www.bonusacqua.it).
- pro mèdiu de posta eletrònica (PEC o e-mail) imbiada a s'indirizzu [protocollo@pec.comune.romana.ss.it](mailto:protocollo@pec.comune.romana.ss.it);
- pro mèdiu de cunsigna a manu, ma ebbia in casu de impossibilitade assoluta a impreare sas modalidades subra indicadas e fatu chi siat apuntamentu telefònicu, pro evitare gentòria in sos ufìtzios comunales.

S'Ufìtziu Servìtzios Sotziales at a protzèdere cun s'istrutòria de sas dimandas perbènnidas verifichende nde sa completenessa e sa regularidade.

A manera imbeniente a sa serrada de su Bandu, cun determinatzione apòsita, su Responsàbile de su settore sòtziu – culturale at a formare s'elencu de sos "idòneos beneficiariis" ordinadu in base a su balore ISEE, cun s'indicatzione de su nùmeru de utentes chi ant diritu a beneficiare de sos giuamentos subra de sa base de s'importu fatu disponibile dae EGAS, e puru s'elencu de sos esclùdidos pro mancàntzia de sos rechisidos. De totu sas operatziones at a dèvere èssere dada publicitate massima in su situ istituzionale de su Comune, setzione Amministrazione Trasparente, puru a manera relativa a sa comunicatzione de sas motivatziones de s'esclusione.

Sos interessados podent propònnere ricursu intro de su tèrmine de 7(sete) dies dae sa data de publicatzione de sas graduatòrias subra naradas, tempus in su cale est previdida sa possibilitade pro retzire recursos eventuales, colados sos cales sa graduatòria at a èssere definitiva.

### **ART. 5**

#### **MODALIDADE DE RECONNOSCHIMENTU DE SU GIUAMENTU**

S'Ufìtziu Servìtzios Sotziales at a dèvere aprovare s'elencu definitivu de sos "Idòneos Beneficiariis" chi at a dèvere èssere trasmitidu a s'EGAS intro e non prus a dae de su **1 de Freàrgiu de su 2021**

S'EGAS, cun determinatzione dirigenziale, leat atu de sos elencos trasmitidos dae ogni Comune e comunicat a su Gestore sos utentes beneficiariis de sa misura, su cale, a pustis de sas verifegas de cumpetèntzia pròpia subra de sa congruidade de sos datos achisidos cun cussos risultados dae su sistema gestionale pròpiu, at a aplicare su giuamentu subra de sos consumos dae

## **ART. 6**

### **SISTEMA DE SOS CONTROLLOS E ISTRUMENTOS DE PARTETZIPATZIONE A SU PROTZEDIMENTU**

Sas dimandas perbènnidas a manera regolare e kompletas de sa documentatzione e de sos rechisidos rechestos dae su bandu pùblicu presente ant a èssere traballadas dae sos ufìtzios prepostos.

In sede de formatzione de sa graduatòria e in cale si siat momentu si nde reconnoscat sa netzessidade, puru cun signalatzione de sos contra-interessados, sos incarrigados ant a atìvare formas de controllu particulares, puru a campione, subra de sa beridade de sas declaratziones fatas, siat in òrdine a sa cumpositzione de su nùcleu familiare chi a sa completenessa de sos rèdditos declarados.

Sos titulares de unu interessu deretu, cuncretu e atuale, ant a pòdere atzèdere a sos atos de su protzedimentu amministrativu chi giughet a sa formatzione de sas graduatòrias, intro de sos lìmities de su diritu a sa riservatesa de sos contra-interessados.

Sos interessados ant a pòdere, puru, presentare dimandas de esàmine nou de sa graduatòria in sa cale sunt insertados, e puru de fàghere signalatziones a sos ufìtzios in òrdine a s'omissione de unu o prus elementos ùtiles a sa determinatzione de sa graduatòria dae parte de unu o prus concurrentes.

Chie si siat chi fetat declaratziones farsas, in prus de incùrrere in sas sanziones prevididas in cunforma a su DPR 445/2000, at a pèrdere a manera automàtica su diritu a su benefitziu cutzessu, francu sa possibilitade pro s'Amministrazione de rechèdere sa torradura de sas summas coberadas sena lu dèvere dae sos interessados.

## **ART. 7**

### **CÀUSAS DE ESCLUSIÒNE**

Sunt esclùdidos dae su programma totu cussos:

- chi resurtent mancantes de sos rechisidos prevididos dae sas dispositziones regionales e dae su documentu presente;
- perbènnidas a dae de su tèrmine de iscadèntzia;
- chi diant declaratziones farsas in cunforma a su DPR 445/2000;

In s'ipòtesi chi perbèngiant dimandas diversas dae parte de prus cumponentes chi faghent parte de su matessi nùcleu familiare, at a èssere apretziada ammissibile ebbia una dimanda, dende preferèntzia, in su sèberu, a cussa perbènnida a manera cronològica prima, subra de sa base de sa data e de s'ora de arrivu a su protocollu generale de s'Ente.

## **ART. 8**

### **TRATAMENTOS DE SOS DATOS PERSONALES**

Sos datos personales frunidos dae sos sugetos ammitidos a su protzedimentu presente ant a èssere achisidos dae s'Amministrazione comunale, dae EGAS e dae su Gestore e tratados, puru in forma automatizada, ebbia pro sas finalidades de gestione de sa protzedura in argumentu, in cunforma a su D.Lgs 196/2003 "Còdighe in matèria de protètzione de sos datos personales" e m.i.i. e de su GDPR (Regulamentu UE 2016/679).

## **ART. 9**

### **PUBLITZIDADE DE SU BANDU**

Còpia de su bandu presente est a dispositzione de sos tzitadinos pro chi nde potzant leare visione, in cunforma a sa Lege 7 de austu de su 1990, n. 241 e modificatziones imbenientes, in s'Albu Pretòriu e in su situ internet [www.comune.romana.ss.it](http://www.comune.romana.ss.it)

**ART. 10 DISPOSIZIONES FINALES**

Pro cantu non prevididu in sas diretivas presentes, agatant aplicatzione sas istrutziones e modalidades operativas istabilidas dae EGAS in su regulamentu subra de sos giuamentos tarifàrios a caràtere sotziale segundu s'allegadu "A" a sa deliberatzione de EGAS n. Deliberatzione de su Comitadu Istituzionale de Àmbitu n. 35 de su 12/11/2020 a su cale si faghet rinvio esprimidu.

Dispositziones eventuales de su documentu presente non cumpatibiles cun normas regionales bènnidas a pustis, puru si no adeguadas, s'ant a intèndere superadas a manera automàtica.

Romana 23.11.2020

**SU RESPONSÀBILE DE SU SERVÌTZIU**

**Dot.ssa Antonella Contini**

Traduzione de s'operadora de s'isportellu linguisticu de Romana  
Maria Leonarda Correddu